

Pɔɔlo ɔwɔɛ Nyɔsɛ
 ɔbono ɔ ŋmarasɛ Bunge
 Korinti Awura Mɔ

¹ Me Pɔɔlo ɔbono n gyɛ Kirisito Yesu ɔsɔɔ kyu naa de Wurubuaarɛ gɛlaarɛ so mɔ de Timoti, aye-nanbo Yesu ɔson mɔ dɔ ne n kya bunge fɛye ɔwɔɛ baarɛ. Fɛye abono fɛ kya son Wurubuaarɛ kyu naa de Yesu so Korinti mɔ de asa abono Wurubuaarɛ gi lɔrɔ yela sa mɔ-nyoro Akaya gɛsinkpan pɛwu so mɔ, fɛye-ɔwɔɛ ne.

² Aye-sɛ Wurubuaarɛ de aye-Wura Yesu Kirisito mɛ' sa fɛye so gɛwɔnsa dɛnsɛ de mɛ' sa fɛye gisen yuuli.

Wurubuaarɛ Kya Tɔgɛ Wɔra Aye Aye-ɔlaawusɛ Dɔ

³ Ayenbi a gyɛ Wurubuaarɛ-lɛɛ! Mɔ ne n gyɛ aye-Wura Yesu Kirisito mɔ-sɛ, ne mɔ kee ne n gyɛ mɔ Yesu Wurubuaarɛ. Wurubuaarɛ ne n gyɛ aye-sɛ ɔbono ɔ gyɛ Gitolon Gɛmu de aye pɛwu ɔtɔgɛwɔrabo. ⁴ Nengyene aye abono a kya ka gyan Yesu so mɔ, a kya wu ɔlaawusɛ mɔ, Wurubuaarɛ ne n kya tɔgɛ wɔra aye imɔ pɛwu dɔ ne aye-gisen gi kya tɔrɔ aye. ɔ kya tɔgɛ wɔra aye gɛnen de aye kee a' taalɛ nyɛ mɔ Wurubuaarɛ-lɛɛ atɔngɛbi kyu tɔgɛ wɔra asa. Nengyene ako mɛ bo ɔlaa wusɛ dɔ mɔ, a laa bii tɔgɛ wɔra mɔmɔ de mɔmɔ-asen a' tɔrɔ mɔmɔ kee fɛɛ gɛnɔɔbono Wurubuaarɛ gi wɔra sa aye mɔ. ⁵ I kya nyiile yɛɛ nengyene a kya kyule buu Kirisito ayaa de a' wu mɔ-lɛɛ ɔlaawusɛ mɔ ɔnan gikyɔ mɔ, gɛnen kee ne a laa nyɛ i' tɔrɔ aye-asen gikyɔ kyu naa de mɔ Kirisito so ne. ⁶ Nengyene me Pɔɔlo me-rɛ me-nanboana a wu ɔlaawusɛ Yesu ɔson mɔ so mɔ, i kya kpaa daa fɛye Korinti awura. I laa yɛgɛ i' tɔrɔ fɛye-asen ne i laa yɛgɛ fɛ' nyɛ

Wurubuaarɛ amɔɔɛɛ. Ne fɛɛ Yesu gi kii tɔɔɛ wɔra aye ne i tɔɔɔ aye-asen mɔ, ɔɛnen kee ne i laa kpaa fɛye. Owi ɔbono fɛ kya wu awɔɔɔɔ mɔ, fɛ laa nyingi yɛɛ aye kee a wu ɔɛnen awɔɔɔɔ abono ɔnan ne Wurubuaarɛ gi tɔɔɛ wɔra aye. Imɔso i laa keda fɛye-nyoro de fɛ' nyɛ gisen. ⁷ A nyi aye-asen dɔ yɛɛ fɛ laa keda Yesu ɔson mɔ dɔ kpaa lii. A nyi yɛɛ ɔɛnɔɔbono aye-rɛ fɛye a kya wu ɔlaawusɛ kolon faa mɔ, ɔɛnen kee ne Wurubuaarɛ laa tɔɔɛ wɔra aye-rɛ fɛye pɛwu gikolon de i' tɔɔɔ aye pɛwu asen.

⁸ Aye-nanboana, i kaaborɛ a' buu sa fɛye ɔɛnɔɔbono a wu ɔlaawusɛ Esiya ɔɛsinkpan so kyu lii aye Yesu ɔɛsun mɔ so mɔ. Nsola belɛ nbono asa mɛ sola aye nno mɔ gi tansi don aye ibono aɲ baa gyan' ɔɛwɔnsa yɛɛ a laa nyɛ nkpa. ⁹ A nyi yɛɛ a laa wu' daa. Wurubuaarɛ ne n yɛɛɛ i ba aye-nwɔnsa dɔ ɔɛnen de aɲ sa a' ka gyan aye-nyoro so de a' nyɛ ka gyan mɔ Wurubuaarɛ so. Mɔ ne n ɔɔɛ ɔbono ɔ kya kyingi ibuni. ¹⁰ Wurubuaarɛ mɔ gi mɔɔɛɛ aye lii ɔɛnen lɛwu idoo ibono dɔ. Ne ɔ laa kii mɔɔɛɛ aye kee. Mɔ so ne aye-ansi a gyan yɛɛ ɔ laa kpɛ ɔ kya mɔɔɛɛ aye. ¹¹ I tiri berɛ yɛɛ fɛye Korinti awura kee fɛ' kpaa aye fɛye-ndalaa dɔ. Fɛ wɔra ɔɛnen mɔ, Wurubuaarɛ laa wu yɛɛ asa gikpen belɛ mɛ kya dalaa mɛ kya sa mɔ, ne ɔ laa wɔra ilaa sa aye. I ba ɔɛnen mɔ, asa abono mɛ laa faala mɔ Wurubuaarɛ aye so mɔ kee mɛ laa nyaakyɔ.

Maɲ Baa Ba Laa Fɛye Belen

¹² A kya yen aye-nyoro yɛɛ a nyi aye-asen dɔ yɛɛ a selɛ Wurubuaarɛ ne a kyu ɔɛsintin de gisen fufuli kyu kyena de anyamesɛ pɛwu kanpɛ, titirigu mɔ, de fɛye Korinti awura. Wurubuaarɛ ne n kyu ɔɛnen akyenabi dɛnsɛ abono kyu kyɛɛ aye. I mɛɲ ɔɔɛ anyamesɛ-lɛɛ ɔlaako ginyi so ne a nyɛ ɔɛnen akyenabi abono.

¹³ Owi kamaase nan sa feye owole mo, ilaa ibono fe laa kale de fe' nu gese mo wole ne n' kya nmarase. Me-ansi a gyan feye so yee fe laa baa nu ilaa ibono n kya toge mi-i sa feye mo gese sa me kpaa loge, ¹⁴ fee genobono fe ti yii gese fe kya nu gese faa. Fe nu gese kpaa loge mo, fe laa nyiile feye-nyoro kyu naa de aye so gekaabono aye-Wura Yesu laa kii ba gesinkpan so mo. Aye kee a laa nyiile aye-nyoro kyu naa de feye so genen gekaabono.

¹⁵ Me, Podo, ne bii genen me-gisen do mo, ne toge sa me-nyoro yee nan kii naa toge Wurubuaare agyebi mo sa asa mo, gikpe de gikii pewu mo, nan naa de feye ase de fe' nye Wurubuaare agyan lii me ase gikpado ginyo.

¹⁶ Ne toge yee nan kyu de feye ase kyu kpe Masadoniya gesinkpan so. Ne lii Masadoniya mo, nan kii ba feye ase de fe' lee me-okpa owi obono nan kpe de Gyudiya gesinkpan so mo. ¹⁷ Ibono ne toge imo ide ne men baa wora genen mo, fe nyi yee men sa gewonsa dandan abee? Abee n kya wora golon-golon fee abono me kere momo-lee wole mo daa? N kya toge “Een”, yegge i gye daa “Kuaa”?

¹⁸ Fe nyi yee Wurubuaare gye oapaaworabo mo, fe' bii yee aye kee a toge “Een” sa feye mo, i gye daa “Een”. Ne a toge yee, “Kuaa” mo, i gye daa “Kuaa”.

¹⁹ Wurubuaare mo-bi, Yesu Kirisito ilaa ne me-re Siilase de Timoti a kpaa toge sa feye. Ne fe nyi yee Yesu Kirisito, mo, men gye golon-golon isa. Owi kamaase do mo, o gye daa oapaaworabo.

²⁰ Ilaa dense ibono pewu Wurubuaare gi ka yela sa anyamese mo, i kya wora gesintin sa aye kyu naa daa de Yesu Kirisito so. Imoso a kya dalaa a kya sa Wurubuaare mo, Yesu ginyen ne a kya kyu toge yee, “I' ba genen”. Imo ne n kya kyu nyisigi bara Wurubuaare.

²¹ Wurubuaare ne n gye obono o kya yegge aye-re feye pewu a kya nye ayaa yelase aye-re Kirisito ginyamese kolon mo so. Mo Wurubuaare ne n sun aye yee a' wora

Kirisito gɛsun mɔ. ²² I lii fɛɛ o kyu mɔ-daasɛ kyu gyan' aye so. Daasɛ mɔ ne n gyɛ mɔ-Oduduu ɔbono o kyu wɔra aye-asen dɔ mɔ. Mɔ-Oduduu mɔ so ne a kya nyɛ bii yɛɛ ilaa dɛnsɛ i dɛ sa aye Wurubuaarɛ dɔ.

²³ Wurubuaarɛ ne n nyi me-gisen dɔ yɛɛ ibono n kya tɔgɛ mɔ i gyɛ gɛsintin. Nɛ tɔgɛ yɛɛ nan baa laa fɛye Korinti awura mɔ, n kya su fɛye so daa ne meɲ baa ba. Meɲ laarɛ yɛɛ me-giba mɔ gi' wɔra gisobiidɛ sa fɛye. ²⁴ In gyɛ yɛɛ a kya kyu aye-nyoro yɛɛ a gyɛ fɛye-wuraana Yesu ɔson mɔ dɔ daa. Aye-rɛ fɛye a kya wɔra gɛsun dabɔlɛ de i' nyɛ wɔra fɛye ɔkon fɛye-gɛkyena dɔ. Giyele berɛ, fɛ ti fɛ yele fɛye-ayaa so gisɔɔgyi gibono fɛ sɔɔ Yesu gyi mɔ dɔ.

2

¹ Imɔso nɛ sa gɛwɔnsa yɛɛ maɲ baa kii ba fɛye asɛ de n' yɛgɛ fɛye-nwɔnsa gi' kii nyida fɛye. ² Nɛ yɛgɛ fɛye-nwɔnsa gi nyida fɛye mɔ, anɛana ne nan yɛgɛ de i' wɔra me ɔkon? Gɛnen mɔ, fɛye abono nɛ yɛgɛ fɛye-nwɔnsa gi nyida fɛye mɔ wolɛ. ³ Gɛnen so ne nɛ ɲmarasɛ fɛye ɔwolɛ bolonsɛ mɔ. Meɲ laarɛ fɛɛ n' ba de me-gisen gi' nyida me fɛye so. Fɛye ne n kaabore fɛ' yɛgɛ i' wɔra me ɔkon. Ne nɛ sɔɔ fɛye gyi me-gisen dɔ kee yɛɛ ilaa ibono i laa wɔra me ɔkon mɔ, i laa wɔra fɛye ɔkon kee. ⁴ Nɛ ɲmarasɛ fɛye gɛnen ɔwolɛ bolonsɛ mɔ, nɛ tansi yiyɛɛ me-gisen dɔ. Ne nɛ su ginsikyu. Meɲ laarɛ yɛɛ ɔwolɛ mɔ agyɛbi a' loo fɛye. Nɛ laarɛ daa yɛɛ fɛ' nyɛ bii me-gɛlaarɛ' belɛ gɛbono n bo sa fɛye mɔ.

Fɛ' Kyu Kyɛɛ Ilaa Nyɛnyɛn ɔwɔrabo Mɔ Kon

⁵ ɔnyen ɔbono ilaa nɛ daa giɲmarasɛ sa fɛye yɛɛ fɛ' biidɛ mɔ-giso mɔ, nɛ kiiri mɔ-ilaa ba. Ilaa nyɛnyɛn ibono ɔ wɔra mɔ, in gyɛ me Pɔɔlo wolɛ so ne ɔ tɔrɔ. ɔkpa ɔko so mɔ, fɛye pɛwu so ne ɔ tɔrɔ. In gyɛ yɛɛ n kya

laare n' njan ilaa mɔ gikyo-gikyo bere daa. ⁶ Asa sakyo me ti biide mɔ-giso faa mɔ, i kaabo. ⁷ Fe' yegɛ kyɛɛ mɔ kon de fe' tɔgɛ wɔra mɔ. In gyɛ gɛnen mɔ, mɔ-gisen gi laa nyida mɔ serege. ⁸ N kya kole feye, fe' yegɛ de ɔ' nyɛ bii yɛɛ fe san fe kya laare mɔ-ilaa.

⁹ Owi obono ne nmarase tɔgɛ feye yɛɛ fe' biide mɔ-giso mɔ, n kya laare n' bii feye-gidebi yɛɛ fe laa nu megedɛ ilaa kamaase dɔ? ¹⁰ Fe kyu kyɛɛ mɔ mɔ, me kee ne kyu kyɛɛ mɔ. I bo ilaa nyɛnyɛn ibono nan kyu kyɛɛ mɔ mɔ, feye so ne nan kyu kyɛɛ mɔ, yegɛ Yesu Kirisito kya wu me. ¹¹ N kya laare n' tii ilaa nyɛnyɛn pɛwu gɛmu mɔ ɔkpa obono ɔ laa kyu nyɛ aye abono a kya ka gyan Yesu so mɔ. Aye bere, a nyi mɔ-ikpa golon-golon ibono ɔ de ɔ naa mɔ.

A Kya Tɔgɛ Daa Ilaa Ibono I Kya Lii Aye-Asen Dɔ Mɔ

¹² Owi obono ne loo Tirowase ɔsowole so mɔ, ne wu yɛɛ Wura Yesu Kirisito gi bugi ɔkpa sa me de n' tɔgɛ mɔ-ɔkalan konkonse mɔ sa asa nno. ¹³ Imɔ-rɛ imɔ gɛnen mɔ, me-gisen dɔ i meɲ kyena me. I lii feɛ meɲ wu menanbo, Taatusi nno. Gɛnen so mɔ, ne kale ɔmɔ, ne ne kyon kpe Masadoniya gɛsinkpan so.

¹⁴ Afaala a gyɛ Wurubuaare-lɛɛ. Mɔ ne n kya gyi ilaa nyɛnyɛn pɛwu gɛmu mɔ so owi kamaase. ɔ kya gyangbara sa aye kyu lii aye-rɛ Yesu Kirisito ginyamesɛ kolon mɔ so, ne ɔ kya kyu aye-gɛkyena dɔ ilaa kyu nyiile asa gɛnɔɔbono ɔ kya gyi ilaa nyɛnyɛn pɛwu gɛmu mɔ so mɔ. Kyu naa de aye so mɔ, mɔ Wurubuaare kya yegɛ asa mɛ kya bii Yesu gɛten kamaase. I kya wɔra feɛ ilaa bofense ne n gyi gɛsinkpan pɛwu. ¹⁵ Imɔ gɛsɛ ne n gyɛ yɛɛ asa mɛ kya wu aye ne mɛ kya nu aye ase mɔ, Wurubuaare ase mɔ, i wɔra feɛ mɛ kya nu Yesu Kirisito ofen ne. Mɔmɔ abono mɛ laa nyɛ Wurubuaare ase gɛkyena mɔ de mɔmɔ abono mɛ maɲ nyɛ Wurubuaare

ase gɛkyena mɔ pɛwu mɛ kya nu Yesu ofen mɔ lii aye ase. ¹⁶ Mɔmɔ abono mɛ maŋ nyɛ Wurubuaare ase gɛkyena mɔ berɛ, Yesu ofen mɔ bo mɔmɔ ɔŋalɛ. Ne abono mɔ mɛ laa nyɛ Wurubuaare ase gɛkyena mɔ, Yesu bo fen sa ɔmɔ. Imɔso mɛ laa nyɛ Wurubuaare ase gɛkyena mɔ.

Nyamesɛ ɔmɔ ne n bo no ɔ laa taalɛ wɔra Wurubuaare agyɛbi gɛsun gɛdɛ mɔ-gibaa so? ¹⁷ Asa sakyɔ ako, mɔ, mɛ naa ma-a tɔgɛ Wurubuaare agyɛbi mɔ mɔmɔ-gibaa so. Mɛ san kyu bingiri gɛbuɛɛdɛ. Aye berɛ, aŋ kya wɔra gɛnen. Wurubuaare ne n sun aye. A nyi ibono ɔ kya wu aye. Imɔso kyu naa de aye-rɛ Yesu Kirisito ginyamesɛ kolon mɔ so mɔ, ilaa ibono i lii aye-asen dɔ mɔ ne a kya tɔgɛ a kya sa asa.

3

Fɛye-Gidebi Ne N Kya Lɛɛ Me-Gɛsun Wɔrase Nyiile
Asa

¹ Ibono nɛ tɔgɛ faa iŋ gyɛ yɛɛ a kya yen aye-gɛsun mɔ a kya sa fɛye daa de fɛ' nyɛ sɔɔ aye gyi. Aŋ tiri gɛnen. Asa ako berɛ mɛ tiri yɛɛ fɛ' nyɛ ɔwɔlɛ ɔbono ɔ kya lɛɛ ɔmɔ-ilaa nyiile fɛye pɛi de fɛ' sɔɔ ɔmɔ gyi. Mɔmɔ kee ne n kya laare yɛɛ fɛ' ŋmarasɛ iwɔlɛ lii mɔmɔ so de i' lɛɛ ɔmɔ-ilaa nyiile abanban. ² Me berɛ, fɛye Korinti awura gbaa-gbaa ne n gyɛ me-lɛɛ ɔwɔlɛ ɔbono ɔ kya lɛɛ me-gidebi nyiile asa. I wɔra fɛɛ Kirisito gi yɛgɛ a ŋmarasɛ Wurubuaare ilaa wɔra fɛye-asen dɔ ne. ɔkamaasɛ kya san wu fɛye mɔ, mɛ kya bii yɛɛ fɛ kyɛgɛgɛ lii fɛye-ilaa nyɛnyɛn giwɔra dɔ naa de aye so. ³ Fɛye-gidebi ne n kya lɛɛ nyiile yɛɛ fɛ dɛ fɛɛ Kirisito ɔwɔlɛ gɛnen. O sun aye ne ɔ ŋmarasɛ gɛnen ɔwɔlɛ baare naa de aye so. I mɛŋ gyɛ gɛyabii ŋmarasɛɛ ne o kyu ŋmarasɛ mɔ. Wurubuaare Oduduu mɔ ne o kyu ŋmarasɛ mɔ. Wurubuaare ɔbono ɔ bo no adaa-adaa mɔ Oduduu gi

wɔra gɛsun fɛye-asen dɔ. In baa i dɛ fɛɛ gɛnɔɔbono dedaa Wurubuaarɛ gi ɲmarasɛ mɔ-nbara gudu gyan daa abui papatela anyɔ so sa anyamesɛ mɔ. Kon faa berɛ, aye anyamesɛ asen dɔ gbaa-gbaa ne Yesu gi ɲmarasɛ Wurubuaarɛ ilaa wɔra sa aye.

⁴ In bo aye gifuu de a' tɔgɛ yɛɛ aye so ne fɛ nyɛ Wurubuaarɛ agyɛbi fɛye-asen dɔ. A nyi ibono Wurubuaarɛ kee nyi yɛɛ i gyɛ gɛsintin. I lii fɛɛ kyu naa de Yesu Kirisito so ne a taalɛ tɔgɛ imɔ. ⁵ Nkana in gyɛ yɛɛ aye ne n dɛ ilaa iko aye-gibaa so ne a kya taalɛ wɔra Wurubuaarɛ gɛsun. Wurubuaarɛ so ne a kya taalɛ wɔra mɔ-gɛsun. ⁶ Mɔ Wurubuaarɛ ne n yɛgɛ nɛ bii wɔra mɔ-gɛnɔ pobɔɔ mɔ so gɛsun sa mɔ. Gɛnen gɛnɔ pobɔɔ gɛbono Wurubuaarɛ gi yɛgɛ mɔ-rɛ anyamesɛ mɛ' san wɔra mɔ, idɛ kon in baa i gyɛ mɔ-nbara gigyi so ne a laa kyu gɛnɔ pobɔɔ mɔ kyu kyena de mɔ. I san i gyɛ daa mɔ-Oduduu mɔ so. I lii fɛɛ Wurubuaarɛ nbara gimaagyi mɔ gi kya kyu lɛwu nyɔsɛ bara anyamesɛ. Wurubuaarɛ Oduduu mɔ berɛ, kya sa daa Wurubuaarɛ asɛ gɛkyena ɔnan.

Ilaa Ibono Wurubuaarɛ Oduduu Mɔ Kya Bara Mɔ

I Bo Nyisigyɛ Gɛkpa-Gɛkpa

⁷ Gɛnen nbara gudu nbono Wurubuaarɛ gi ɲmarasɛ gyan abui patela-patela anyɔ so mɔ, nmɔ so gimaagyi so ne Wurubuaarɛ gi yɛgɛ lɛwu nyɔsɛ gi ba. Ibono nbara mɔ gi kya yɛgɛ asa mɛ nyɛ lɛwu gɛnen gbaa mɔ, nbara mɔ gi gyɛ Wurubuaarɛ ilaa so mɔ, ɔ dabɔlɛ sa nmɔ nyisigyɛ belɛ. I lii fɛɛ Mosisi gi kpa kyu nbara mɔ lii Wurubuaarɛ asɛ ɔ kya ba mɔ, mɔ-ansi dɔ i kya ɲɛlegi de nyisigyɛ. Isirale awura mɔ mɛɲ baa ma-a taalɛ mɛ' kerɛ mɔ-ansi dɔ, ne gɛnen nyisigyɛ mɔ kya kɔɔgɛ ɔ kya ta.

Nengyene WurubuaarE gi bara lEwu gbaa ne i wɔra nyisigyɪ ilaa mɔ, ⁸ bii yEE nengyene ɔ bara mɔ-Oduduu mɔ i laa tansi wɔra nyisigyɪ don gEnen gbaa. ⁹ Nbara nbono WurubuaarE gi kyu bun anyamesE gipuEE mɔ gi gyi ginsi. Imɔso ɔkpa ɔbono so WurubuaarE laa kyu asa yEE mɔmɔ-asen dɔ i boran mɔ berE, i laa kii gyi ginsi don nbara nbono gi kya bun asa gipuEE mɔ gbaa bun. ¹⁰ Nengyene a kyu WurubuaarE nbara nbono nkana gi naa kyena nyE nyisigyɪ mɔ kyu kEsere de WurubuaarE Oduduu-lEE mɔ, fE laa wu yEE nbara mɔ lEE mɔ giŋ baa gi bo nyisigyɪ ɔko. I lii fEE WurubuaarE Oduduu mɔ-lEE nyisigyɪ gi tansi don nbara mɔ-lEE nyisigyɪ gbaa bun. ¹¹ Nengyene WurubuaarE nbara nbono nmɔ-nyisigyɪ kya kɔɔgE ɔ kya ta mɔ gi nyE nyisigyɪ mɔ, gEnen berE mɔ, WurubuaarE Oduduu ilaa ibono ɔ laa yEgE i' dE kpe gEkpaa-gEkpaa mɔ-lEE nyisigyɪ laa tansi nyaakyɔ gikyɔ.

¹² Aye berE, a kyu aye-ansi gyan WurubuaarE Oduduu ilaa idE so, ne a nyi yEE nyisigyɪ ilaa ibono i laa dE kpe gEkpaa-gEkpaa mɔ ne a kya tɔgE a kya sa asa. Imɔso aŋ kya ŋara aye-ilaa iko. ¹³ Aŋ dE fEE Oloobu Mosisi. I lii fEE owi ɔbono Mosisi ansi dɔ i kya ŋElegi mɔ, o kyu ilaa iko kyu bun mɔ-ansi. O nyi yEE WurubuaarE nyisigyɪ kya kɔɔgE ɔ kya ta mɔ-ansi so, imɔso ɔŋ kya laarE Isirale awura mE' wu. ¹⁴ Iŋ gyE yEE Mosisi gi wɔra ɔmɔ ilaa nyEnyEn berE. Naafɔ ɔ mEŋnan kyu ilaa iko bun mɔ-ansi gEnen owi ɔbono gbaa mɔ, Isirale awura mɔ nwɔnsa dɔ i maŋ dabɔlE bugi. WurubuaarE nbara nbono ɔ tɔgE yela de i' yEgE mɔ-rE asa mE' wɔra gEnɔ dedaa mɔ, fEŋ kya wu yEE Isirale awura mɔ mE kya kale nmɔ mɔ, mEŋ kya nu gEsE baa lii de ndE? ME maŋ wolaa nu gEsE daa. I wɔra fEE ilaa ibono Mosisi gi kyu bun mɔ-ansi mɔ ɔnan i bun ɔmɔ-ansi. I kya nyiile yEE kyu naa de Yesu Kirisito wolE so ne gEnen ilaa ibono i kya bugi lii asa ansi so de

mɛ' nyɛ wu de mɛ' nu Wurubuaarɛ gɛsɛ.

¹⁵ Gɛsintin, kyu baa lii de ndɛ faa mɔ, nengyene Isirale awura mɛ kya kalɛ Wurubuaarɛ nbara ɔwolɛ mɔ mɔ, mɛɲ kya nu Wurubuaarɛ gɛsɛ dandan. ¹⁶ Nengyene fo nyamesɛ fo kpɛ nyɛ kyɛɛgɛ ne fo nu Wurubuaarɛ asɛ mɔ, Wurubuaarɛ ilaa iɲ baa i kya ɲara fo. ¹⁷ I lii fɛɛ Wurubuaarɛ ne n gyɛ Wurubuaarɛ Oduduu mɔ. Nfono Wurubuaarɛ Oduduu mɔ bo mɔ, nno ne asa mɛ kya nyɛ ɔmɔ-nyoro. ¹⁸ Gɛnen so ne aye Yesu asonbo mɔ a kya kyu aye-nwɔnsa gyan daa Wurubuaarɛ nyisigyɛ so, ne Wurubuaarɛ ilaa iko iɲ kya ɲara aye mɔ. Wurubuaarɛ kpɛ ɔ kya kyɛɛgɛ aye, ne a kya wɔra fɛɛ mɔ-gidebi a kya too. Owi kamaasɛ a kpɛ a kya nyɛ mɔ-nyisigyɛ mɔ a kya too. Imɔ pɛwu mɔ, i lii daa Wurubuaarɛ asɛ. Mɔ ne n gyɛ Wurubuaarɛ Oduduu mɔ.

4

Yesu Kya Sa Aye Gɛkyena Pobɔɔ

¹ Wurubuaarɛ gi su aye gitolon ne o kyu gɛsun gɛdɛ sa aye. Imɔso aye-nyoro gi maɲ yɔɔ aye. ² A ti kine ipeeli ilaa ibono asa mɛ kya wɔra ɲara-dɔ mɔ. Aɲ kya penɛ asa adawo so de mɛ' sɔɔ Yesu gyi. Aɲ kya keda Wurubuaarɛ agyɛbi kyɛɛgɛ. Aye berɛ, a kya tɔgɛ gɛsintin ilaa tigi asa de ɔkamaasɛ ɔ' nyɛ bii mɔ-gisen dɔ yɛɛ a kya wɔra ilaa ibono i boran sa Wurubuaarɛ. ³ Nengyene fɛɛ Yesu ɔkalan konkonsɛ ɔbono a kya nyiile asa faa gi taa wɔra ɲara-dɔ mɔ, gɛnen mɔ, asa abono mɛ kya fuɛ Wurubuaarɛ asɛ gɛkyena mɔ wolɛ ne i ɲara. ⁴ Mɔmɔ berɛ, ilaa nyɛnyɛn pɛwu gɛmu mɔ ne n lɛɛ mɔmɔ-nwɔnsa gɛnen. Gɛkyena gɛdɛ dɔ mɔ, ɔ wɔra fɛɛ gɛsinkpan pɛwu so wura, ne ɔ kya wɔra asa gɛnen. ɔ yɛgɛ abono mɛɲ kya sɔɔ Yesu gyi mɔ mɛ bingiri fɛɛ agyaatanbo. ɔ dengɛ ɔmɔ-ansi de mɛ mɛɲ' wu Yesu

ɔkalan konkonse mɔ fatela mɔ. Ɔŋ kya laare me' nye wu Kirisito ɔbono ɔ gyɛ Wurubuaare oyuduu gbaa-gbaa mɔ nyisigyɛ mɔ.

⁵ Ɔkalan ɔbono a kya tɔge a sa asa mɔ, iŋ gyɛ aye-ilaa ne a kya laare me' nu. Yesu Kirisito ilaa ne a kya tɔge yeɛ mɔ ne n gyɛ Wura. Aye mɔ, kyu lii mɔ Yesu so mɔ, a tɛ daa sa fɛye. ⁶ Dedaa mɔ, Wurubuaare gi tɔge yeɛ, “I' ŋmange de i' wu gibiri dɔ” ne i ba genen. Genen Wurubuaare kolon ɔbono kee ne n yege i ŋmange ne i kya wu aye-asen dɔ. Imɔso ne a kya nye laa ansi kerɛ Yesu Kirisito de a' bii Wurubuaare nyisigyɛ kyu naa de mɔ so mɔ.

⁷ Ilaa dɛnsɛ-dɛnsɛ ibono Wurubuaare gi wɔra aye-asen dɔ genen faa, aye adɛ ɔnan ne ɔ wɔra imɔ sa. I dɛ fɛɛ o kyu awuratɔ gbaa' wɔra gɛkeebii nyɛnyɛn dɔ. Wurubuaare gi wɔra imɔ idɛ de i' lɛɛ nyiile yeɛ ɔlon kamaasɛ gi lii daa mɔ Wurubuaare asɛ. Aye aŋ bo ɔlon ɔko aye-gibaa so. ⁸ Imɔso ilaa i ti taa nyise aye ikpa kpɛi-kpɛi so, iŋ kii i kya yege a' paadɛ. I kya ŋminde aye-amu, iŋ kii i kya yɔɔ aye-nyoro. ⁹ Asa mɛ ti taa ka aye-ansi ibono a kya son Yesu mɔ so. Wurubuaare, mɔ, mɛŋ kya lɛɛ ansi yege aye. Asa mɛ kya kpare aye too fɛɛ asonsɔɔ, aŋ kii a kya wu'. ¹⁰ Owi kamaasɛ a naa mɔ, Yesu lɛwu mɔ ɔnan kya pɛɛdɛ aye. Genen ne Yesu gɛkyena gɛbono o kyingi ne o kii nye mɔ kee gɛ laa nye lii gɛwi aye-gɛkyena dɔ ne. ¹¹ I kya nyiile yeɛ ibono a kya son Yesu mɔ so mɔ, a tɛ de ansi faa, owi kamaasɛ asa mɛ dɛ aye ma-a wɔra lɛwu abaa dɔ. Genen ne Yesu gɛkyena pobɔɔ gɛbono ɔnan o kyingi ne o kii nye mɔ kee gɛ laa nye lii gɛwi aye anyamesɛ nyoro gibi gibono gi kya wu' mɔ dɔ ne. ¹² Imɔso aye abono a kya tɔge Yesu ɔkalan mɔ, Yesu lɛwu mɔ kya wɔra mɔ-gɛsun aye-gɛkyena dɔ, ne i kya yege fɛye, mɔ, fɛ kya nye mɔ-gɛkyena pobɔɔ mɔ ɔnan.

laa kii nyɛ obu Wurubuaarɛ dɔ. A laa nyɛ nyoro pobɔɔ de a' kyena nmɔ dɔ gɛkpa-gɛkpa. Wurubuaarɛ gbaa-gbaa ne nan lɛɛ nmɔ sa aye. ² Gɛsinkpan gɛdɛ so berɛ, a kya muusi. I kya nyiile yɛɛ a kya laarɛ fɛɛ a' nyɛ loo Wurubuaarɛ dɔ lɛɛ obu mɔ dɔ kusaa. ³ A kya laarɛ a' kyu nyoro pobɔɔ mɔ bun aye-nyoro so fɛɛ gikuru de inj' baa wɔra fɛɛ a naa daa gibolonbukpan.

⁴ A san a bo gɛsinkpan so lɛɛ gibuu mɔ dɔ faa mɔ, ilaa i kya nyise aye, ne a kya muusi. Inj gyɛ yɛɛ a kya laarɛ a' wu' de a' lɛɛ aye-gɛsinkpan so lɛɛ nyoro mɔ fuɛ berɛ daa. A kya laarɛ daa yɛɛ a' nyɛ Wurubuaarɛ dɔ lɛɛ nyoro mɔ kyu bun aye-gɛsinkpan so lɛɛ nyoro mɔ so. I ba gɛnen mɔ, gɛkyena gɛkpa ilaa i laa gyi lɛwu ilaa ibono i bo aye dɔ mɔ so. ⁵ Wurubuaarɛ ne n baala aye abono a kya ka gyan Yesu so mɔ yela de gɛkaako ɔ' nyɛ kyɛɛgɛ aye-nyoro gɛnen. Ne o kyu mɔ-Oduduu mɔ sa aye de a' nyɛ bii yɛɛ ɔ laa kyɛɛgɛ aye gɛsintin. ⁶ Imɔso owi kamaasɛ i kya keda aye-nyoro.

A nyi yɛɛ nkɛ nbono ɔkara a laa kyena aye-nyoro gibi mɔ dɔ gɛrɛ mɔ, a maŋ nyɛ wu Wura Yesu. ⁷ I lii fɛɛ gisɔɔgyi gibono a bo sa Yesu mɔ ne a dɛ a naa faa. I mɛŋ gyɛ ilaa ibono a kya wu de ansi. ⁸ I kpɛ i kya keda aye-nyoro daa. A nyɛ mɔ, a kya laarɛ yɛɛ a' koso aye-nyoro gibi mɔ dɔ gɛrɛ de a' nyɛ wu Wura Yesu de a' kyena mɔ asɛ. ⁹ To. A ti nyɛ koso kpɛ Wurubuaarɛ dɔ daa-o, a san a bo gɛsinkpan so gɛrɛ daa-o, ilaa kolon ne n tiri aye. Imɔ ne n gyɛ yɛɛ a' wɔra ilaa ibono i laa gyi Wura Yesu ginsi mɔ daa. ¹⁰ I kya nyiile yɛɛ Wurubuaarɛ laa terɛ aye pɛwu Wura Yesu Kirisito asɛ de o' gyi aye-gɛkyena gɛdɛ dɔ pɛwu nbɛlɛ. Nyamesɛ kamaasɛ laa nyɛ ibono i kaaborɛ mɔ mɔ. Idɛnsɛ ne fo wɔra mɔ, Wurubuaarɛ laa kyu idɛnsɛ ka fo gikɔ, ne inyɛnyɛn ne fo kii baa wɔra mɔ, inyɛnyɛn ne ɔ laa kyu ka fo gikɔ.

A' Kpaa Asa De Mɔmɔ-rɛ Wurubuaarɛ Nsana I' Nyɛ Lɔrɔ

¹¹ A seɛ Wura Yesu. Gɛnen so ne a kya tɔgɛ wɔra asa de mɔmɔ kee mɛ' nyɛ nu mɔ asɛ mɔ. Wurubuaarɛ nyi aye-asen dɔ sɔnlii. Ne n nyi yɛɛ fɛ nyi ilaa ibono i bo me-gisen dɔ mɔ kee. ¹² N kya tɔgɛ gɛnen ilaa idɛ faa mɔ, iŋ gyɛ yɛɛ n kya laarɛ de n' yen me-nyoro sa fɛye daa. N kya laarɛ daa de fɛ' nyɛ ilaa ibono fɛ laa taalɛ yelɛ imɔ so de fɛ' nyɛ nyiile fɛye-nyoro kyu lii aye so mɔ. Asa ako mɛ bo no mɔ, mɛ kya nyiile mɔmɔ-nyoro kyu lii ilaa ibono mɛ kya wɔra ansi so giyan mɔ so. Mɛŋ kya kerɛ gisen dɔ ilaa. N kya laarɛ fɛɛ fɛ' nyɛ lɛɛ gɛnɔ dandan sa ɔmɔ.

¹³ Nengyene i kya wɔra fɛye fɛɛ a kya pɛɛɛɛ ansi Wurubuaarɛ ɔson so mɔ, a kya lɔ giyee daa mɔ, Wurubuaarɛ so ne a kya wɔra gɛnen. Ne fɛɛ fɛye asɛ mɔ, a kya sa nwɔnsa kanpɛ mɔ, fɛye so ne a kya wɔra gɛnen. ¹⁴ I kya nyiile yɛɛ gɛlaarɛ' gɛbono Yesu Kirisito bo sa anyamesɛ mɔ ne n san i kya gyi aye-amu. A tansi a nyi aye-asen dɔ yɛɛ isa kolon ne n yii asa pɛwu giyaa ne o wu'. Imɔso i wɔra fɛɛ asa pɛwu ne n wu'. ¹⁵ O wu lɛwu sa asa pɛwu gɛnen de asa abono mɛ tɛ de ansi mɔ mɛ maŋ baa kyena mɔmɔ-gibaa so. Mɛ' san kyena sa daa Yesu ɔbono o yii mɔmɔ-giyaa ne o wu' ne o kii kyingi lii ibuni dɔ sa ɔmɔ mɔ.

¹⁶ Imɔso aye abono a kya ka gyan Yesu Kirisito so mɔ a tɛ sa mɔ faa mɔ, aŋ baa kerɛ ansi so-lɛɛ ilaa de a' bii ɔko gidebi. Nkana owi ɔko dɔ mɔ, a kerɛ ansi so-lɛɛ ilaa daa de a' bii Kirisito gidebi. Idɛ kon berɛ aŋ baa wɔra gɛnen. ¹⁷ I kya nyiile yɛɛ nengyene nyamesɛ mɔ-rɛ Yesu Kirisito mɛ wɔra nyamesɛ kolon mɔ, kaasɛ gi bingiri nyamesɛ pobɔrɔ ne. Mɔ-dedaa-lɛɛ gidebi mɔ gi kyon. Nyamesɛ pobɔrɔ ne ɔ san ɔ gyɛ. ¹⁸ Wurubuaarɛ ne n kya wɔra imɔ idɛ pɛwu. Mɔ ne n naa de Kirisito so ne

o lɔɔ aye-rɛ mɔ nsana. Ne o kii kyu imɔ-gɛsun kyu wɔra aye-abaa dɔ yɛɛ a' kpaa asa sɛnsɛ de mɔmɔ-rɛ mɔ nsana kee i' nyɛ lɔɔ. ¹⁹ Nan tɔgɛ daa yɛɛ Wurubuaarɛ gi yɛgɛ mɔ-rɛ anyamesɛ nsana i lɔɔ kyu naa de Kirisito so. ɔŋ baa kerɛ mɔmɔ-ilaa nyɛnyɛn de ɔ' terɛ ɔmɔ nbɛɛ. Ne o kyu ɔkalan baarɛ kyu wɔra aye-abaa dɔ de a' tɔgɛ asa gɛnɔɔbono mɔmɔ-rɛ Wurubuaarɛ nsana i laa lɔɔ mɔ. ²⁰ Imɔso a yeɛ Kirisito giyaa dɔ gɛsinkpan so ne. I gyɛ Wurubuaarɛ gbaa-gbaa ne n kya kolɛ fɛye kyu naa de aye so. A kya kolɛ fɛye a kya sa Kirisito daa, fɛ' wɔra aniya de fɛ' yɛgɛ fɛye-rɛ Wurubuaarɛ nsana i' lɔɔ. ²¹ Aye anyamesɛ so mɔ, Wurubuaarɛ gi kyu Kirisito fɛɛ nyamesɛ kamaasɛ ilaa nyɛnyɛn pɛwu mɔ, mɔ ne n wɔra imɔ, yɛgɛ ɔŋ wɔra ilaa nyɛnyɛn kerɛ. Wurubuaarɛ gi kyu Kirisito wɔra gɛnen daa de ɔ' nyɛ kyu aye kee fɛɛ ilaa dɛnsɛ so-o ne a kya wɔra. Aye-rɛ Kirisito ginyamesɛ kolon mɔ so ne i ba gɛnen.

6

¹ Imɔso gɛnɔɔbono Wurubuaarɛ gi yɛgɛ me-rɛ mɔ a kya wɔra mɔ-gɛsun mɔ faa, n kya kolɛ fɛye yɛɛ a tɔgɛ Wurubuaarɛ amɔɔgɛ ɔkalan kyu lii Yesu so mɔ sa fɛye faa, fɛ mɛŋ sa fɛ' yɛgɛ i' wɔra giyan. ² I lii fɛɛ Wurubuaarɛ gi wolaa tɔgɛ yɛɛ, “Owi mɔ gi fo mɔ, nan nu fɛye asɛ. Nan mɔɔgɛ fɛye me-amɔɔgɛ gɛkɛ mɔ.”

Imɔso fɛ' nu yɛɛ kon ne Wurubuaarɛ owi mɔ gi fo ne. Ndɛ ne n gyɛ Wurubuaarɛ amɔɔgɛ gɛkɛ mɔ.

A Kya Tansi Da Otu Keda Aye-Nyoro

³ A mɛŋ kya laarɛ de ɔko o' wu ilaa nyɛnyɛn iko aye-gɛsun mɔ dɔ, ne aŋ kya laarɛ a' wɔra ilaa ibono i laa tii ɔko ɔkpa de ɔŋ' sa ɔ' keda Wurubuaarɛ ɔson mɔ dɔ.

⁴ ɔkpa kamaasɛ so mɔ, a kya kyena daa gɛnɔɔbono i

kaaborɛ aye abono a gyɛ Wurubuaarɛ gɛsun awɔrabo a' kyena mɔ. Ɔgɛnda dɔ-o, gɛyiyɛɛ dɔ-o, ansi gika dɔ-o, a kya tansi da otu keda aye-nyoro. ⁵ Lii Wurubuaarɛ gɛsun mɔ so mɔ, asa mɛ kya daarɛ aye, mɛ kya tii aye de ibu, ne gɛnɔɔbono sakpii mɛ kya wɔra aye mɔ i bo gifuu. A kya wɔra gɛsun kyolon, a mɛɲ kya nyɛ ginsi gidɛ, a kya kyena akon. Imɔ idɛ pɛwu dɔ mɔ, a kya da otu keda nyoro de asa mɛ' nyɛ wu yɛɛ Wurubuaarɛ gɛsun awɔrabo ne n gyɛ aye gɛsintin so. ⁶ Lii aye-gisen fufuli so, aye-ɔlaako ginyi so, lii aye-gidɛnsɛ giwɔra so, lii Wurubuaarɛ Oduduu ɔbono ɔ bo aye dɔ mɔ so, lii gɛlaarɛ' gɛbono a kya laarɛ abara lii aye-asen dɔ mɔ so, ⁷ lii gɛsintin agyɛbi abono a kya tɔgɛ mɔ so, lii Wurubuaarɛ ɔlon ɔbono ɔ bo aye dɔ mɔ so, imɔ idɛ pɛwu so mɔ, mɛ kya nyɛ wu yɛɛ Wurubuaarɛ gɛsun awɔrabo ne n gyɛ aye.

Gɛsintin gigyi dɔ ne a dɛ a tɛ. Gɛsintin gigyi mɔ gi dɛ fɛɛ adontɔ ne a dɛ gyisɛ de benɛ. ⁸ Asa mɛ kya kyu buubuu sa aye-o, mɛɲ kya kyu aye terɛ sɛi-o, mɛ kya saalɛ aye-o, mɛ kya yen aye daa-o, imɔ pɛwu dɔ mɔ, a kya lɛɛ nyiile yɛɛ a gyɛ Wurubuaarɛ gɛsun awɔrabo. Mɛ ti taa nyida aye yɛɛ a gyɛ daa abonbo; yɛgɛ gɛsintin awura ne a gyɛ. ⁹ Mɛ kya kyu imɔ yɛɛ mɛɲ ti nu aye so kerɛ, yɛgɛ mɛ wolaa mɛ nyi aye dandan. Mɛ kya kyu aye fɛɛ a bo lɛwu dɔ, yɛgɛ a san a bo nkpa. Mɛ kya biidɛ aye-giso, yɛgɛ mɛ mɛɲ kii mɛ kya mɔɔ aye. ¹⁰ A naa fɛɛ aye-ilaa i bo ayen yɛgɛ owi kamaasɛ a kya gyi ɔkon Wurubuaarɛ so. Mɛ kya wu aye fɛɛ ayenbo yɛgɛ aye mɔ ne n kya yɛgɛ asa sakyɔ mɛ kya bingiri awuragyibo Wurubuaarɛ asɛ. Mɛ kya wu aye fɛɛ aɲ bo sɛi, yɛgɛ aye mɔ ne n bo ilaa kamaasɛ ibono i maɲ lii aye-gibaa mɔ.

¹¹ Nɛ tɔgɛ me-ilaa tigi fɛye Korinti awura. Nɛ bugi me-gisen pɛwu sa fɛye. ¹² N kya bugi ansi de fɛye. Fɛye

ne mɛɲ kya bugi ansi de me. ¹³ Me, Pɔɔlo n kya tɔŋɛ de fɛye fɛɛ me-biana daa. Fɛ' yaalɛ fɛye-nyoro de me kee.

Aye Ne N Gyɛ Wurubuaarɛ ɔson Obu Mɔ. Wurubuaarɛ Tɛ Aye ɔ

¹⁴ Fɛye-rɛ asa abono mɛɲ kya sɔɔ Yesu gyi mɔ fɛɲ sa fɛ' dabɔlɛ wɔra gɛnɔ kolon ilaa. Gɛsintin gigyi de ilaa nyɛnyɛn giwɔra i mɛɲ bo gɛsu. Nnɛ so ne gibiri de fatela i laa taalɛ wɔra gɛnɔ kolon? ¹⁵ Ilaa nyɛnyɛn pɛwu gɛmu mɔ, ɔbonsan, ɔbono mɛ kya tɛrɛ mɔ-ginyen giko kee yɛɛ Beeliyɛlɛ mɔ, mɔ-rɛ Kirisito mɛ laa tɔɔɛ kyule abara nnɛ so? ɔbono ɔ kya sɔɔ Yesu gyi mɔ, de ɔbono ɔɲ kya sɔɔ Yesu gyi mɔ mɔmɔ-rɛ mɔ menɛ asɛ? ¹⁶ Nnɛ so ne ikperɛ i laa gyi Wurubuaarɛ ɔson obu mɔ nbara? Gɛnen kee ne aye-rɛ ikperɛ a maɲ taalɛ kyena dabɔlɛ. I lii fɛɛ aye ne n gyɛ Wurubuaarɛ ɔson obu mɔ. Wurubuaarɛ tɛ aye ɔ. Wurubuaarɛ ɔbono ɔ bo no adaa-adaa mɔ, mɔ-ɔson obu ne n gyɛ aye. I lii fɛɛ Wurubuaarɛ gi tɔɔɛ yɛɛ,
 “Nan kyena mɔmɔ ɔɔ de n' naa saarɛ mɔmɔ ɔɔ.

Nan wɔra mɔmɔ-Wurubuaarɛ
 de mɔmɔ mɔ, mɛ' wɔra me-adɛ.”

¹⁷ Imɔso Wurubuaarɛ yɛɛ,

“Fɛ' tɛɛ fɛye-nyoro lii abono mɛɲ kya son me mɔ ɔɔ.

Fɛ' lii mɔmɔ ɔɔ.

Fɛ mɛɲ sa fɛ' wɔra ilaa ibono
 i laa kyɔlɛɛ fɛye-ɔson mɔ.

Mɔ, mi-i me mɔ, nan sɔɔ fɛye.”

¹⁸ “Nan wɔra fɛye-sɛ,

Ne fɛye mɔ fɛ laa wɔra me-biana
 anyɛnsɛ de akyiisɛ.”

Wurubuaarɛ ɔlolonbo mɔ ne n tɔɔɛ gɛnen.

7

¹ Wurubuaare gi ka gɛnen ilaa idɛ yela sa aye Yesu asonbo. Imɔso me-nanboana alaaɛɛɛ, a' kpaare ilaa kamaase ibono i kya kyu ilaa nyɛnyɛn bun aye-nyoro gibi abɛɛ aye-oduduu mɔ. A' seɛ Wurubuaare de a' lɔrɔ aye-nyoro yela sa mɔ-nkon kpaɛ logɛ.

Nɛ Nu Fɛye So Ne I Keda Me-Nyoro

² Fɛ' bugi fɛye-gisen sa me. Mɛɲ wɔra fɛye ɔko ilaa nyɛnyɛn. Mɛɲ biidɛ ɔko loo ilaa nyɛnyɛn ɔkpa dɔ, ne mɛɲ kudi ɔko gyi. ³ Mɛɲ kya tɔgɛ yɛɛ fɛ bo ilaa nyɛnyɛn daa. Nɛ ti tɔgɛ kyon yɛɛ fɛ bo me-gisen dɔ, iɲ gyɛ abiila. I gyɛ lɛwu-o, nkpa-o, me-rɛ fɛye ne. ⁴ Nɛ tansi sɔɔ fɛye gyi, ne n' kya nyiile me-nyoro kyu lii fɛye so. Me-rɛ me-nanboana a kya wu ɔlaawuse gikyɔ gbaa mɔ, kyu lii fɛye so mɔ, i kya kii keda me-nyoro. I kpɛ i bo me ɔkon daa.

⁵ Me-rɛ me-nanboana a baa loo Masadoniya gɛsinkpan so mɔ, nno kee a mɛɲ taa nyɛ kyoola. ɔkpa kamaase so mɔ, ilaa i tu-tu aye. Asa mɛ kyu nlogedɛ de nluu tu aye, ne gifuu gi keda aye. ⁶ To! Nengyene nyamesɛ gisen gi kya nyida mɔ mɔ, Wurubuaare ne n gyɛ ɔbono ɔ kya wɔra ibono i kya kii keda mɔ-nyoro. Imɔso mɔ Wurubuaare ne n kyu aye-nanbo Taatusi lii fɛye asɛ baa tu aye Masadoniya, ne i nyɛ keda aye-nyoro. ⁷ I mɛɲ gyɛ Taatusi giba mɔ wolɛ. Fɛye-ilaa ibono fɛ tɔgɛ keda mɔ-nyoro mɔ, imɔ kee ne n keda aye-nyoro. O buu sa aye yɛɛ fɛ kya laare me fɛɛ gibelɛ nkyu; yɛɛ ilaa ibono i ba me-rɛ fɛye nsana mɔ i wɔra fɛye ayen. Ne yɛɛ fɛ pɛɛɛɛ ansi me-ilaa mɔ so. Imɔ idɛ pɛwu i lɔrɔ wɔra me ɔkon bɔla.

Nɛ Wu Yɛɛ Me-ɔwɔlɛ Mɔ Gi Kpaɛ Fɛye

⁸ ɔwɔlɛ mɔ nɛ ɲmarase fɛye ne i loo fɛye mɔ, mɛɲ sɔɔ gyi yɛɛ nɛ wɔra ilaa nyɛnyɛn. Nɛ wu yɛɛ i loo fɛye

ημαραα. Imoso nkana ne sɔɔ me-nyoro akyɔɔle yee in kaaborɛ n' ηmarase feye genen. ⁹ Kon faa, i bo me ɔkon. In gyɛ ibono i loo feye mɔ so berɛ. I loo feye mɔ, i yegɛ fe nu feye-nyoro gesɛ. Imoso ne i bo me ɔkon mɔ. Ilaa mɔ i loo feye Wurubuaare ɔkpa so daa. Imoso in gyɛ yee ilaa nyenyɛn iko i tu feye naa de me so.

¹⁰ Nyamesɛ gi wɔra ilaa nyenyɛn, ne kyu lii Wurubuaare so ne o nu mɔ-nyoro gesɛ ne i loo mɔ mɔ, i laa yegɛ ɔ' taa imɔ yegɛ de ɔ' nye Wurubuaare ase gɛkyena ɔnan. Imɔ gemara mɔ, ɔ san nyingi imɔ mɔ, i man baa loo mɔ. Nengyene gesinkpan so ilaa ne ɔ kya kerɛ ne i kya loo mɔ berɛ mɔ, imɔ ibono i laa yegɛ ɔ laa fue mɔ-lewu gemara. ¹¹ Feye gbaa-gbaa fe' nyingi genɔɔbono i wɔra feye mɔ. Fe seɛ Wurubuaare daa ne n yegɛ ɔwole mɔ ilaa i loo feye. I yegɛ fe pɛɛɛ ansi de fe' nye gyi aso ilaa nyenyɛn so. I loo feye, ne i ηmaa feye-asen. Fe pɛɛɛ ansi biide ilaa nyenyɛn ɔwɔrabo giso, ne fe san fe kya laare fe' wu me. ɔkpa kamaase so mɔ, fe lee nyiile yee ilaa mɔ i mɛn lii feye ase ne fɛn kyule imɔ.

¹² Ilaa ibono i tiri me gikyɔ so ne ne ηmarase genen ɔwole mɔ mɔ, in gyɛ yee kaase ɔbono ɔ wɔra ilaa nyenyɛn mɔ, ne in kii i gyɛ ɔbono kaase mɔ gi tɔrɔ mɔ so mɔ kee. Ne ηmarase ɔwole mɔ mɔ, n kya laare daa Wurubuaare ɔ' kpaa feye de fe' wu bii ɔkara ɔbono fe kyu feye-nyoro fue sa aye mɔ. ¹³ Imoso feye-ilaa i keda aye-nyoro.

Ilaa ibono i wɔra aye ɔkon gikyɔ mɔ ne n gyɛ genɔɔbono i wɔra Taatusi ɔkon feye ase mɔ. Fe yegɛ mɔ-gɛwɔnsa gɛ kyena mɔ gɛten kolon. ¹⁴ N wolaa mi-i yen feye Korinti awura sa Taatusi. Gesintin mɔ, fe mɛn lee me tanga. Fe nyi yee ne tɔgɛ gesintin so-o sa feye. Genen kee ilaa ibono ne tɔgɛ kyu lii feye so sa Taatusi mɔ, i wɔra gesintin. ¹⁵ Taatusi kya nyingi genɔɔbono fe

kyu buubuu keda mɔ ne fɛ nu mɔ-gɛdɛ mɔ, i kya yɛgɛ ɔ kya lɔrɔ nyɛ gɛlaarɛ' gɛko mɔ-gisen dɔ sa fɛye. ¹⁶ Imɔso i kya wɔra me ɔkon ibono nɛ wu yɛɛ nan taalɛ ka gyan fɛye Korinti awura so ilaa kamaasɛ dɔ.

8

Masadoniya Awura Mɛ Wɔra Bɛrɛɛ Ilaa

¹ Aye-nanboana Yesu ɔson mɔ dɔ, a kya laarɛ de fɛ' bii Yesu asonbo abono mɛ bo Masadoniya gɛsinkpan so mɔ ilaa. Wurubuaarɛ gi tansi wɔra ilaa mɔmɔ dɔ. ² Ilaa kpɛi-kpɛi ibono i tu ɔmɔ mɔ i yɛgɛ i daasɛ mɔmɔ-gikagyan gibono mɛ ka gyan Yesu so mɔ kerɛ. Imɔ-rɛ imɔ gɛnen gbaa mɔ, mɔmɔ-ɔkon belɛ ɔbono ɔ bo mɔmɔ dɔ so mɔ, mɔmɔ-rɛ mɔmɔ-ayen mɔ mɛ kya dabɔlɛ kyɛɛ ayenbo ilaa gikyɔ. ³ Nɛ wu yɛɛ mɛ wɔra asa bɛrɛɛ lii mɔmɔ-asen dɔ gɛnɔɔbono ɔkara mɛ laa taalɛ mɔ kii don ibono mɛ laa taalɛ mɔ gbaa. ⁴ Mɔmɔ gbaa-gbaa ne n kolɛ yɛɛ a' wɔra aniya de a' yɛgɛ ɔmɔ kee mɛ' too aterenbi sa ayenbo. Mɛ laarɛ yɛɛ mɔmɔ kee mɛ' kpaa ayenbo abono mɛ bo Yesu asonbo mɔ dɔ mɔ. ⁵ A mɛɲ taa gyan mɔmɔ-gɛwɔnsa. Gɛnen so, mɔmɔ-ilaa mɔ i dɛ aye-gɛnɔ. Mɛ daa gikyu mɔmɔ-nyoro kyu sa Wura Yesu, ne Wurubuaarɛ gɛlaarɛ dɔ mɔ, mɛ kii kyu mɔmɔ-nyoro fuɛ sa aye kee.

⁶ Masadoniya awura mɔ bɛrɛɛ ilaa idɛ so mɔ, a tɔgɛ sa Taatusi yɛɛ gɛnɔɔbono o yii gɛnen gɛsun mɔ gɛsɛ fɛye Korinti awura dɔ mɔ, ɔ' tɛsɛ keda gɛnen de fɛye kee fɛ' nyɛ wɔra bɛrɛɛ ilaa idɛ kpaa logɛ. ⁷ Mɛɲ wu ilaa ibono dɔ yɛɛ fɛ mɛɲ gyangbara, fɛɛ gikagyan gibono fɛ kya ka gyan Yesu so mɔ, gɛtɔngɛ, ɔlaako ginyi, gɛnsipɛɛrɛ ilaa kamaasɛ dɔ, de gɛlaarɛ' gɛbono fɛ bo sa aye mɔ. Imɔso fɛ' kerɛ de fɛ' gyangbara gɛnen bɛrɛɛ ilaa idɛ dɔ kee. ⁸ N kya tɔgɛ fɛye gɛnen faa, iɲ gyɛ yɛɛ n kya nyise fɛye bɛrɛ.

kee a kya sa fɛye so nwɔnsa mɔ. ¹⁷ I kya nyiile fɛɛ o kyule yɛɛ ɔ laa kpe fɛye asɛ kpaɔ sɔɔ too-too aterenbi sa ayenbo fɛɛ gɛnɔɔbono a kolɛ mɔ mɔ. Mɔ-gɛlaare' gɛbono ɔ kya laare fɛye gikyɔ so mɔ, ɔ wolaa tɔgɛ yɛɛ ɔ kya laare o' kpe kpaɔ kpaɔ fɛye, yɛgɛ iŋ gyɛ ɔko ne n nyiile mɔ.

¹⁸ A keda ɔko kee sun yɛɛ o' buu Taatusi kpe fɛye asɛ. ɔ gyɛ nyamesɛ ɔbono Yesu asonbo akpen pɛwu mɛ dɛ mɔ-ginyen dɛnsɛ yɛɛ ɔ kya bii tɔgɛ Yesu ɔkalan konkonsɛ mɔ sa asa. ¹⁹ Yesu asonbo akpen mɔ ne n lɛɛ mɔ de o' buu aye abono a dɛ aterenbi gɛsun mɔ dɔ mɔ. Gɛsun gɛdɛ gɛ laa kyu nyisigyi bara Wura Yesu de i' lɛɛ aye-gɛsalaare nyiile. ²⁰ Mɛ laa kyu aterenbi beɛ kyu wɔra aye-abaa dɔ gɛnen mɔ, a kya laare a' kerɛ amɔ so gɛnɔɔbono ɔko maŋ nyɛ tɔgɛ yɛɛ a gyi amɔ mɔ. ²¹ Iŋ gyɛ Wurubuaare wolɛ ne a kya laare o' wu yɛɛ a gyi gɛsintin. A kya laare anyamesɛ kee mɛ' wu gɛnen. ²² Imɔso a kya sun asa anyɔ adɛ fɛye Korinti awura asɛ. Ne a kyu ɔnyen ɔko bɔla de mɔmɔ kee. A wolaa daasɛ mɔ kerɛ ilaa kpɛi-kpɛi dɔ ne a wu yɛɛ ɔ bo ginsi pɛɛrɛ imɔ pɛwu dɔ. ɔ tansi sɔɔ fɛye gyi. Imɔso fɛye asɛ gikpe ne n tiri mɔ don ilaa sɛnsɛ. ²³ Asa asa' adɛ dɔ mɔ, Taatusi ne n gyɛ me, Pɔɔlo, menanbo. Me-rɛ mɔ ne n tɔgɛ Wurubuaare agyɛbi mɔ sa fɛye mɔ. Asɛnsɛ anyɔ mɔ ne n gyɛ abono Kirisito asonbo akpen mɔ mɛ sun mɔ. Mɛ kya kyu nyisigyi bara Kirisito. ²⁴ Imɔso fɛ' kerɛ ɔmɔ so de mɛ' wu yɛɛ fɛ kya laare mɔmɔ-ilaa. Fɛ' yɛgɛ mɛ' wu yɛɛ ilaa ibono a kya tɔgɛ ne a kya yen fɛye mɔ i gyɛ gɛsintin. Fɛ wɔra gɛnen mɔ, Yesu asonbo akpen sɛnsɛ mɛ laa nu.

9

Aterenbi Abono Fɛ Laa Too Sa Aye-Gyuda Awura Mɔ

¹ Ne kerε faa, iη taa baa i tiri yεε n' ηmarasε fεye Korinti awura ɔwolε yεε fε' too aterenbi sa Yesu asonbo abono mε bo Gyudiya gεsinkpan so mɔ. ² N ti wolaa n nyi ibono i kya wε fεye-nyoro dɔ ibono fε kya laarε de fε' kpaa ɔmɔ. N wolaa n dε fεye-ginyen kyu lii gεnen ilaa ide so n kya tɔgε mi-i sa Masadoniya awura gεrε. N kya tɔgε ɔmɔ yεε fεye Yesu asonbo abono fε bo Akaya gεsinkpan so mɔ berε, kpε kyu lii ko-o sinde ne fε wolaa tɔgε yεε fε kya laarε de fε' kpaa Gyudiya awura mɔ. Fεye-berεε mɔ gi kyigi Masadoniya awura sakyɔ ayaa. ³ N kya sun aye-nanboana asa' adε fεye asε de fε' wolaa nyε baala fεye-nyoro yela fεε gεnɔɔbono nε tɔgε ɔmɔ yεε fε laa wɔra mɔ. Meη kya laarε n' baa bingiri ɔbonbo mɔmɔ asε. ⁴ Gεnɔɔbono nε yen fεye sa Masadoniya awura mɔ, nengyene fεε mɔmɔ ako mε buu me ba fεye asε ne mε baa wu yεε fεη baala mɔ, me-rε fεye kpini a laa gyi ipeeli. ⁵ Imɔso nε wu yεε i tiri fεε n' tɔgε aye-nanboana adε yεε mε' gyangbara me kpaa gyɔ fεye ɔwɔlii yεε a laa ba. Imɔso fε' wolaa baala ilaa ibono fε ka yela yεε fε laa sa ayenbo mɔ yela. Iη sa i' wɔra fεε ɔko ne n nyise fεye bun abɔli so. I' wɔra daa yεε fεye ne n kyu imɔ kyεε lii fεye-asen dɔ.

⁶ Fε kya laarε fε' kpaa ayenbo mɔ, fε' nyingi yεε i dε daa fεε gεnɔɔbono mε kya duu ilaa mɔ. Fo ɔbono fo duu pii mɔ, fo laa tεε pii. Ne fo ɔbono mɔ, fo duu gikyɔ mɔ, fo laa tεε gikyɔ kee. ⁷ Fεye ɔkamaasε ɔbono ɔ laa kyεε ilaa mɔ, ɔ' kyεε imɔ daa gεnɔɔbono ɔkara ɔ wolaa tɔgε mɔ-gisen dɔ mɔ. ɔη sa ɔ' yεgε i' wɔra fεε ɔko ne n kya nyise mɔ. Wurubuaarε kya laarε nyamesε ɔbono ɔ kya kyεε ilaa de ɔkon mɔ daa. ⁸ Wurubuaarε laa taalε yεgε mɔ-gεsa gε' tu fεye gikyɔ. ɔ laa taa yεgε fε' nyε ilaa ibono i tiri fεye pεwu owi kamaasε, de fε' kii nyε kpaa abono mε tiri gikpaa mɔ kee bɔla. ⁹ I dε daa fεε gεnɔɔbono

mE ηmarasE yela Wurubuaare agyebi do kyu lii nyamesE dEense so mo. ME ηmarasE yeE,

“o kya kyu ilaa dEense ye sa asa.

o kya kyEE ayenbo ilaa.

Mo-gidEense giη kya ta okara.”

¹⁰ Wurubuaare obono o kya sa doobo ilaa duuse ne o kya sa nyamesE ilaa gyise mo, mo kee ne nan yege feye-ilaa tirise i' yii feye-gibaa. o laa yege i' yelege de feye- agyan de feye-beereE a' ηan fee doobo-lee onan. I laa wora fee ilaa gyise ibono i kya yelege nyaakyoo don ilaa duuse ibono doobo gi kyu duu mo. ¹¹ o laa yege fe' nye ilaa gikyo-gikyo okpa kamaase so de fe' kii nye wora beereE gikyo too. Ne owi obono a laa kyu feye-aterenbi abono fe de fe kya kpa ayenbo kperE momo mo, i laa yege me' kyu afaala bele kyu sa Wurubuaare. ¹² I lii fee genobono fe laa kpa omo faa, i laa yege Wurubuaare asonbo mo me laa nye ilaa ibono i tiri momo mo. Ne i laa kii yege asa me laa tansi faala Wurubuaare me kya kpe me kya ba. ¹³ Fe wora beereE baare onan mo, i laa lee nyiile asa yeE fe sooo Kirisito okalan konkonse mo gyi gesintin. ME laa wu genobono fe kya wora feye-gisogyi mo so gesun mo de genobono fe kya kpa Gyudiyi awura de asa pewu mo. ME wu genen mo, me laa lee Wurubuaare ginyen. ¹⁴ ME laa laare feye-ilaa ne me laa dalaa sa feye. I lii fee Wurubuaare gi tansi sa feye osakon kyode. ¹⁵ Afaala a gyE Wurubuaare-lee. o wora beereE sa aye ibono a man taale bii imo-okara toge mo.

10

Wurubuaare Ikoo Onan Ne N' Kya Ko

¹ NE nu ako me kya toge yeE nengyene fee menj bo feye ase mo, n kya yele me-gebelense so ηmarasE feye

iwolɛ bolonsɛ. Ne fɛɛ n bo fɛye asɛ mɔ, n kya bara me-nyoro gɛsɛ kyu gɛnɔ konkonsɛ tɔngɛ de fɛye. Kirisito ɔbono ɔ bo gisen de buubuu mɔ ginyen dɔ mɔ, me Pɔɔlo, n dɛ fɛye-giserɛ. ² N kya kolɛ fɛye daa, fɛɲ' baa wɔra ilaa nyɛnyɛn ibono i laa yɛgɛ n' baa yeɛ me-gɛbelɛnsɛ so fɛye-ansi dɔ. Iɲ bo me ɔbolɛ yɛɛ n' tɔngɛ agyɛbi bolonsɛ sa fɛye. Asa abono mɛ kya nyida aye mɔ berɛ ne nan baa tɔgɛ agyɛbi bolonsɛ sa. Mɛ kpɛ mɛ dɛ yɛɛ gɛsinkpan so gɛkyena dɛnsɛ ne n tiri aye ne a kya wɔra Wurubuaarɛ gɛsun, yɛgɛ iɲ taa gyɛ gɛnen. ³ I bo no yɛɛ a tɛ gɛsinkpan so berɛ. Iɲ kii i gyɛ gɛsinkpan so gɛkyena ikɔ ɔnan ne a kya kɔ faa. Wurubuaarɛ ikɔ ɔnan ne a kya kɔ. ⁴ Ne adontɔ abono a dɛ a kya kɔ Wurubuaarɛ ikɔ idɛ mɔ aɲ gyɛ gɛsinkpan so lɛɛ adontɔ ɔnan. A gyɛ daa adontɔ abono Wurubuaarɛ ɔlon bo amɔ dɔ. A laa taalɛ nyida ilaa nyɛnyɛn pɛwu gɛmu mɔ ikyenaten ibono ɔ kya ka gyan imɔ so mɔ. ⁵ Aye-adontɔ mɔ a kya nyida akyɔɔɛ. A kya nyida daa ilaa kamaasɛ ibono i kya nyiile imɔ-nyoro ne i kya tii asa ikpa de mɛɲ baa nyɛ bii Wurubuaarɛ mɔ. Adontɔ mɔ a kya gyi gɛwɔnsa kamaasɛ so de gɛ' baa wɔra Kirisito gɛlaarɛ. ⁶ Nengyene fɛ nyɛ nu aye-gɛdɛ kpaa logɛ mɔ, a baala ta de a' biidɛ gisomaanu awura mɔ pɛwu giso.

Wurubuaarɛ Gi Sa Me ɔlon De N' Kyu Lɔrɔ Fɛye

⁷ Fɛ kya kerɛ ilaa daa soso-soso wolɛ. Nengyene fɛye dɔ ɔko nyi yɛɛ o bingiri Kirisito sonbo gɛsintin mɔ, o' nyingi yɛɛ me kee n gyɛ Kirisito sonbo fɛɛ mɔ. ⁸ Wurubuaarɛ gi sa me ɔlon fɛye so de n' kpaa fɛye de fɛ' sɛɛ Yesu ɔson mɔ dɔ. Iɲ gyɛ yɛɛ n' kyu nyida fɛye daa. Imɔso ba-a ne fɛɛ nɛ taa nyiile me-nyoro ηmaraa kyu lii me-ɔlon ɔbono n bo fɛye so mɔ, ipeeli i maɲ gyi me. ⁹ Mɛɲ kya laarɛ i' wɔra fɛɛ iwolɛ ne nan ηmarasɛ

kyu ŋaala fɛye. ¹⁰ NE nu yɛɛ fɛye dɔ ako mɛ kya tɔgɛ yɛɛ me-iwolɛ ŋmarasɛɛ i kya gyi ginsi. I bo duduu ne i bo ɔlon. Mɛ kii wu me gbaa-gbaa mɔ, mɛ kya kerɛ me fɛɛ meŋ gyɛ nyamesɛ gbaa' ɔko. Ne mɛ kya kyu me-ilaa tɔgɛɛ kee fɛɛ iŋ taa gyɛ ilaa iko. ¹¹ I kaaborɛ asa abono mɛ kya tɔgɛ gɛnen mɔ mɛ' bii yɛɛ ilaa ibono meŋ bo fɛye asɛ ne n' kya ŋmarasɛ fɛye mɔ, nɛ ba fɛye asɛ mɔ, imɔ kee ne nan wɔra.

¹² Asa ako mɛ kya yen mɔmɔ-nyoro yɛɛ mɔmɔ ne n gyɛ abelɛnsɛ Wurubuaarɛ gɛsun mɔ dɔ. Aye berɛ a maŋ bii wɔra gɛnen. A maŋ kyu aye-nyoro kɛserɛ de ɔmɔ. Mɔmɔ berɛ, mɛ dɛ nyoro ma-a kɛserɛ de abara, ne mɛ kya kerɛ abara so de mɛ' nyiile mɔmɔ-nyoro. Imɔ ibono iŋ gyɛ ɔlaako ginyi. ¹³ Aye berɛ, a maŋ nyiile aye-nyoro de i' don gɛsun gɛbono ɔkara Wurubuaarɛ gi kyu wɔra aye-abaa dɔ mɔ. Wurubuaarɛ ne n sa aye ɔkpa ne a wɔra mɔ-gɛsun mɔ kpaa lii fɛye Korinti awura ɔsowolɛ so. ¹⁴ Nkana meŋnan fo fɛye nno mɔ, imɔ ne ɔko laa nyɛ ɔkpa tɔgɛ yɛɛ n kya yen me-nyoro giyan. Gɛsintin mɔ mɔ, aye ne n daa gikpe fɛye gɛsinkpan so kpaa tɔgɛ Kirisito ɔkalan konkonsɛ mɔ sa fɛye.

¹⁵ Imɔso iŋ gyɛ yɛɛ a kya nyiile aye-nyoro kyu naa de ako-lɛɛ gɛsun so. A maŋ taa wɔra gɛnen. Aye-ansi a gyan yɛɛ fɛye-gikagyan gibono fɛ kya ka gyan Yesu so mɔ gi laa kpɛ gi kya nyaakyɔ gi kya too. Imɔ ne nan yɛgɛ aye-gɛsun gɛbono a wɔra fɛye asɛ mɔ gɛ laa nyɛ yɛlegɛ gikyɔ. ¹⁶ Gɛnen ne a laa nyɛ tɔgɛ Yesu ɔkalan konkonsɛ mɔ sa isowolɛ ibono i bo fɛye-gɛmara mɔ. A wɔra gɛsun nfono mɔ, i maŋ wɔra ɔko yɛɛ a kya nyiile aye-nyoro kyu naa de ako-lɛɛ gɛsun gɛbono mɛ wɔra mɔ so. ¹⁷ Wurubuaarɛ agyɛbi mɔ a kya nyiile aye yɛɛ, “ɔbono ɔ laa nyiile mɔ-nyoro mɔ, ɔ' nyiile mɔ-nyoro daa kyu lii Wurubuaarɛ so.” ¹⁸ I lii fɛɛ iŋ gyɛ fo ɔbono fo

kya yen fo-nyoro mɔ ne Wurubuaare laa sɔɔ fo yee fo gyɛ nyamesɛ dɛnsɛ. Nyamesɛ ɔbono Wurubuaare kya yen mɔ mɔ, gɛnen kaasɛ ne ɔ kya sɔɔ mɔ yee ɔ gyɛ nyamesɛ dɛnsɛ.

11

Pɔɔlo De Asa Abono Mɛ Kya Penɛ Yee Mɛ Gyɛ Yesu Isɔɔ Mɔ

¹ Ilaa ibono n kya tɔgɛ faa, nba-a in gyɛ ɔlaako ginyi ilaa mɔ, fɛ' wɔra aniya de fɛ' nyɛ gisen ŋmaraa sa me. ² I wɔra fɛɛ n kya kɔ fɛye so gikengbeli mi-i sa Wurubuaare ne. Fɛ dɛ fɛɛ ɔkyiifɔ ɔbono me ne n yɛ mɔ sa ɔnyen. ɔnyen kolon ɔbono n darɛ mɔ ne n gyɛ Kirisito. ³ Imɔso idɛ kon i bo me gifuu yee fɛɛ gɛnɔɔbono giwɔɔ gi kyu adawo penɛ Efa mɔ, fɔɯbii ilaa iko i laa lɛɛ fɛye-nwɔnsa lii Kirisito so de i' ba yee fɛɯ baa kyu gisen dɛnsɛ son Kirisito lii fɛye-asen dɔ.

⁴ Asa ako mɛ kya baa tɔgɛ Yesu ilaa sa fɛye mɔ, fɛ kya bii yee Yesu banban ɔko ilaa ne mɛ kya tɔgɛ, abɛɛ mɛ kyu oduduu ɔko abɛɛ ɔkalan ɔko kpɛi bara fɛye. Fɛ wu yee i mɛɯ gyɛ ilaa ibono a wolaa kyu bara fɛye mɔ ne. Mɔ, fɛ kya nu mɔmɔ ase yee mɛnɛ? ⁵ Gɛnen asa abono mɛ kya wɔra ɔmɔ-nyoro fɛɛ mɔmɔ ne n gyɛ Yesu isɔɔ gbaa-gbaa. Mɛɯ kii wu yee mɛ don me iko dɔ. ⁶ Ba-a ne fɛɛ mɛɯ taa nyi gɛtɔngɛ gbaa mɔ, ɔlaako ginyi berɛ, n bo. A ti wolaa lɛɛ imɔ ibono nyiile fɛye dandan ilaa kamaasɛ dɔ.

Nɛ Nyiile Fɛye Yesu Ilaa Mɔ, Mɛɯ Sɔɔ Fɛye Sɛi

⁷ Gɛnɔɔbono nɛ tɔgɛ Wurubuaare ɔkalan konkonsɛ mɔ sa fɛye ne mɛɯ sɔɔ fɛye sɛi mɔ, i wɔra fɛɛ nɛ bara me-nyoro gɛsɛ daa de i' nyɛ diirɛ fɛye. Nɛ wɔra gɛnen mɔ, nɛ wɔra ilaa nyɛnyɛn ne? ⁸ Wurubuaare asonbo akpen ako kpɛi ne n kerɛ me so gɛnen owi ɔbono dɔ. Fo

kerε mɔ, i wɔra fεε nε yuuri mɔmɔ kyu kpaa sa fεye ne. ⁹ N bo fεye asε ne ilaa i tiri me mɔ, meη nyala fεye dɔ ɔko. Aye-nanboana abono mε lii Masadoniya ba mɔ ne n kyu me-ilaa tirisε bara me. Imɔso meη ti wɔra gεsola sa fεye. Ne nan kpε keda gεnen kyu i kya kpε. ¹⁰ Kirisito gεsintin ne n' dε n kya tɔgε fεye; maη yεgε asa mε' kerε me so aberε abono n naa n kya tɔgε Wurubuaare agyεbi fεye Akaya nsinkpan so mɔ. Meη kya laare i' ba yεε maη nyε ginyen kyu naa de imɔ so. ¹¹ Fε nyi yεε menε so ne meη kyule yεε fε' kerε me so mɔ? Fε nyi yεε meη kya laare fεye ilaa daa? Iη gyε gεnen. Wurubuaare nyi me-gisen dɔ yεε n kya laare fεye-ilaa.

¹² Asa abono mε kya nyiile ɔmɔ-nyoro yεε aye-rε ɔmɔ a kya wɔra gεsun ɔkpa kolon so mɔ, mɔmɔ so ne meη kya laare fε' kerε me so mɔ. Gεnen asa abono mε kpε mε kya laare ɔkpa de mε' nyε penε asa bɔla. Mɔmɔ so mɔ, nan kpε keda fεε gεnɔɔbono n wolaa n dε mɔ. ¹³ Gεnen asa abono mε kya penε asa yεε mε gyε Kirisito isɔɔ. Mε kya wɔra gεsun mɔ, mε kya soo asa idoo daa, ne mε kya wɔra ɔmɔ-nyoro fεε Kirisito isɔɔ. ¹⁴ Ne iη kaaborε i' dε aye-gεnɔ. I lii fεε ilaa nyεnyεn pεwu gεmu mɔ gbaa kya kyena keda mɔ-nyoro kyεεgε, ɔ kya penε asa yεε ɔ gyε Wurubuaare dɔ ɔsɔɔ ɔko. ɔ kya penε yεε ɔ bo Wurubuaare fatela mɔ dɔ. ¹⁵ Imɔso iη kaaborε i' wɔra aye ilaa pɔbɔɔ yεε mɔ-asonbo kee mε laa taale keda mɔmɔ-nyoro kyεεgε penε asa yεε mε kya wɔra Wurubuaare gεsintin-lεε gεsun mɔ. Imɔ-rε imɔ-laalalogε mɔ, gikɔka gi dε sa ɔmɔ.

Pɔɔlo Kya Wu Awɔrɔfɔɔ Yεgε I Dabɔle I Bo Mɔ ɔkon

¹⁶ N kii mi-i tɔgε fεye ginyɔsε yεε iη kaaborε ɔko ɔ' tɔgε yεε meη nyi ɔlaako so ne n' kya yen me-nyoro. Ba-a ne ɔko laa taa tɔgε yεε meη nyi ɔlaako mɔ, kaasε mɔ ɔ'

nyε gisen pii sa me de o' nu ilaa ibono nan tɔgε yen me-nyoro mɔ. ¹⁷ In gyε Wura Yesu ne n kya yεgε n' da otu yen me-nyoro. ɔbono ɔŋ nyi ɔlaako mɔ ilaa wɔrase ne i gyε. ¹⁸ Imɔ gɛnen mɔ, abono mε kya yen mɔmɔ-nyoro ansi so ilaa so fafaanan mɔ mε nyaakyɔ. Imɔso me kee nan yen me-nyoro sa fεye ηmaraa. ¹⁹ Fε nyi yεε fε nyi ɔlaako mɔ, i wonε ne fε kya nu asa abono mε mεŋ nyi ɔlaako mɔ asε? ²⁰ Nε wu yεε asa abono mε kya kyu fεye wɔra fεε nbide, abεε kyu lii fεye so ne mε kya gyi, abεε mε kya kudi fεye gyi, abεε mε kya wɔra fεε mɔmɔ ne n bo fεye, abεε mε kya da fεye itan mɔ, fε kya nu mɔmɔ asε. ²¹ Aye berε, a selε, aŋ taalε wɔra fεye gɛnen. Abεε i kaaborε i' wɔra me ipeeli yεε mεŋ wɔra fεye gɛnen fεε?

Nengyene ako mε kya kerε ansi nyiile mɔmɔ-nyoro kyu lii ilaa iko so mɔ, me Pɔɔlo nan kerε ansi nyiile me-nyoro gɛnen kee. ɔbono ɔŋ nyi ɔlaako mɔ ilaa tɔgεsε ne. I kii i tiri yεε n' tɔgε imɔ. ²² Nengyene mε kya nyiile mɔmɔ-nyoro yεε mε gyε Isirale awura mɔ, me kee Isirale isa ne n' gyε. Mε gyε Hiiburu awura mɔ, Hiiburu isa ne n' gyε kee. Mε gyε Aberaham gεsu dɔ mɔ, me kee, gɛnen ne. ²³ Mε gyε Kirisito asonbo mɔ, mi-i me mɔ, n kya son Kirisito don mɔmɔ gbaa. (Mε yεgε n kya tɔngε fεε ɔbono ɔŋ bo gimu mɔ, yεgε in gyε gɛnen.) Nε wɔra Kirisito gεsun don ɔmɔ. N naa n kya tɔgε Wurubuaare agyεbi isowolε kpɛi-kpɛi so. Gɛnen so mɔ, asa abono mε kya kyo Kirisito ɔson mɔ mε tii me de obu, i mεŋ gyε gikolon. Nε wu ɔlaawusε don asa sɛnsε. Mε taa me gikpadɔ gifonεε gifonεε. Lεwu ti taalε pɛεdε me belen-belen.

²⁴ Nε sɔɔ Gyuda awura giwulibi gibono mε kya taa asa oko de saalaa sango mɔ gikpadɔ ginun kerε. ²⁵ Mε koree me gikpadɔ gisa, ne asa mε ti da me abui kee kerε. Apoo so akolii belε-belε a da bun wɔra me gikpadɔ gisa.

Imo iko do mo ne sii apoo do toloowi kalaade. ²⁶ Anaa-naa ne n san wora me-lee. Ne ti loo ibon bolase do lii. Ne loo iyu abaa do lii. Me-subuana Gyuda awura de asa abono men gyē Gyuda awura mo pewu me yegē ne wu gēnsipere. Ne wu gēnsipere isowole bele-bele do de apen do de apoo do pewu. Abono me kya penē yē me gyē aye-nanboana Yesu onon mo do mo me yegē ne wu gēnsipere kee.

²⁷ Ne nyaade gisisiri wora nsun bolonse sa Wurubuaare. Nke nbono men kya nyē de gēnyē mo ne n kyō. Ne naa akon de bolefō de awo. Men nyē agyudo gyise abee gikuru bunse.

²⁸ Ba-a ne a kyu ilaa ide pewu yela nkan mo, i san gēnōbono n kya kyena de nwōnsa gēkē kamaase sa Yesu asonbo akpen pewu mo. Imo ibono ne n nyii me fēe gēsola. ²⁹ Nengyene ne nu yēe oko gisōgyi gi kya yōō Yesu onon mo do mo, i kya loo me fēe me ne i gyē. Nengyene oko gi tōō Yesu onon mo do mo, me-gisen do i kya dēe me.

³⁰ I kaabore n' yen me-nyoro faa mo, nan kyu ilaa ibono i kya lee nyiile yēe men bo lon mo daa kyu yen me-nyoro. ³¹ Wurubuaare ne ayenbi a gyē mo-lee gēkpa-gēkpa. Mo ne n gyē Wura Yesu mo-se de mo-Wurubuaare. Mo ne n nyi yēe in gyē abon ne n kya kēe. ³² N bo Damasikose osowole so mo, abeyin obelense obono o kya kere osowole mo so sa Wura Aretese mo gi yegē me dii ikpa ibono i de loo osowole mo so mo me kya laare me de me' keda. ³³ Ako mo me kyu me wora gēkeebii do ne me liire me de ofe de gēkpen gēbono me yii kyaaboo osowole mo gēfansere do ne ne nyē lii obelense mo abaa do.

12

Ilaa Ibono Yesu Gi LƐƐ Nyiile Pɔɔlo Mɔ

¹ Nyamesɛ laa yen mɔ-nyoro mɔ in̄ kya kpaa mɔ de sɛi; i kii i tiri yɛɛ n' yen me-nyoro de apenɛbo mɔ mɛn̄ baa nyɛ penɛ fɛye. Imɔso nan san tɔgɛ daa ilaa ibono Wura Yesu gi lɛɛ nyiile me baa kyon mɔ. O nyiile me ilaa fɛɛ ideri yɛgɛ n kerɛ. ² Nsi gudu nnan gɛmara mɔ, ilaa iko i wɔra me. Nperɛ faa i kya wɔra me fɛɛ i mɛn̄ gyɛ me ne i wɔra gɛnen abɛɛ? I kya nyiile yɛɛ me-rɛ Kirisito ginyamesɛ kolon so mɔ, i puru me gikolon faa fiiyu kyu kpe ko-o Wurubuaarɛ dɔ. I puru me-rɛ me-nyoro gibi mɔ pɛwu daa fɛɛ, me-oduduu mɔ wolɛ daa fɛɛ, mɛn̄ taalɛ bii berɛ. Wurubuaarɛ wolɛ ne n nyi. ³ Ilaa ibono n kpɛ n nyi mɔ ne n gyɛ yɛɛ i kpɛ puru me fiiyu kyu kyon kpe Wurubuaarɛ adɛ ɔkyoolaten. I puru me-rɛ me-nyoro gibi mɔ pɛwu daa fɛɛ, me-oduduu mɔ wolɛ ne n kpɛ fɛɛ, maɲ taalɛ bii. Wurubuaarɛ wolɛ ne n nyi.

⁴ I puru me kpɛ nno gɛnen mɔ, nɛ nu ilaa ibono in̄ bo ginu ne in̄ bo gitɔgɛ mɔ pɛi ne nɛ kii ba. ⁵ Me, Pɔɔlo, ne n wu gɛnen ilaa idɛ. In̄ kya sa me ɔkpa yɛɛ n' yen me-nyoro daa. Yɛgɛ ayenbi a kii kaaborɛ nyamesɛ ɔbono o wu ilaa idɛ ɔnan mɔ. Mi-i me mɔ ilaa ibono i kya nyiile yɛɛ mɛn̄ bo lon me-gibaa so mɔ wolɛ ne nan kyu yen me-nyoro.

⁶ Nkana fɛɛ n kya laarɛ n' yen me-nyoro gbaa mɔ, i maɲ nyiile yɛɛ mɛn̄ nyi ɔlaako. I laa wɔra gɛsintin daa. Mi-i me mɔ, nɛ kine imɔ. I lii fɛɛ mɛn̄ kya laarɛ ɔko o' buu me yɛɛ n gyɛ Wurubuaarɛ isa don ɔkara ɔbono ɔ kya wu de ansi abɛɛ ɔ kya nu de aso mɔ.

⁷ Ilaa gbaa'gbaa ibono Wurubuaarɛ gi lɛɛ nyiile me mɔ i tansi i nyaakyɔ. Wurubuaarɛ mɛn̄ kii ɔ kya laarɛ de n' yii gɛsɛ n kya nyiile me-nyoro. Imɔso o kyule sa ilaa nyɛnyɛn pɛwu gɛmu mɔ yɛɛ o' kyu gilɔ gibono gi dɛ

fɛɛ owe ne n bo nyoro dɔ mɔ too me so. Imɔso gilɔ mɔ gi san gi kya nyala me gin kya sa me ɔkpa de n' nyiile me-nyoro. ⁸ Nɛ dalaa kolɛ Wura Yesu gikpadɔ gisa' yɛɛ i' ta me yɛɛ. ⁹ O kisee tɔɛ sa me daa yɛɛ, “Gɛnɔɔbono nan kpɛ mi-i kpaa fo mɔ, i laa wɔra ɔdan sa fo. I lii fɛɛ isa ɔbono ɔɲ bo lon mɔ dɔ ne me Wurubuaarɛ ɔlon mɔ kya nyɛ lii gɛwi kpaa logɛ.”

ɔ tɔɛ gɛnen faa, i kya wɔra me ɔkon bɔla yɛɛ n' kyu daa ilaa ibono i kya nyiile yɛɛ meɲ bo lon me-gibaa so mɔ de n' kyu yen me-nyoro. Imɔ ne nan yɛɛ Kirisito-lɛɛ ɔlon ɔbono ɔ bo mɔ ɔ' nyɛ baa kyena me dɔ. ¹⁰ Imɔso nengyene i gyɛ daa Kirisito so mɔ, i boran sa me yɛɛ n' wɔra isa ɔbono ɔɲ bo lon, n' nyɛ asebi, me-nyoro gi' keda me, asa mɛ' ka me-ansi, de n' wu gɛnsipɛɛɛ. I kya nyiile yɛɛ owi ɔbono meɲ bo lon me-gibaa so mɔ, mɔ-ɔlon dɔ mɔ, n kya wɔra ɔlon.

Gɛlaarɛ' Gɛbono N Bo Sa Fɛye Mɔ Gɛ Nyaakyɔ

¹¹ Ibono nɛ yen me-nyoro faa, ɔbono ɔɲ nyi ɔlaako mɔ ilaa wɔrasɛ ne i gyɛ. Mɔ, fɛye-oyuli dɔ ne i ba gɛnen. Nkana fɛye ne n kaaborɛ fɛ' yen me. Meɲ taa gyɛ isa ɔko me-gibaa so berɛ. Yɛɛ gɛnen asa abono mɛ kya penɛ yɛɛ mɔmɔ ne n gyɛ Yesu isɔɔ gbaa-gbaa mɔ mɛɲ taa don me iko dɔ. ¹² Wurubuaarɛ ilaa wɔrasɛ ibono i kya lɛɛ nyiile yɛɛ ɔko gyɛ Yesu ɔsɔɔ gɛsintin mɔ, me Pɔɔlo nɛ kyu gisen kyu wɔra imɔ fɛye-ansi dɔ. Ilaa ibono nyamesɛ maɲ taalɛ wɔra mɔ-gibaa so mɔ, ilaa ibono i kya dɛ gɛnɔ mɔ, de ilaa ibono i kya lɛɛ nyiile yɛɛ Wurubuaarɛ ɔlon bo me dɔ mɔ pɛwu, nɛ wɔra imɔ. ¹³ Meɲ wu ilaa ibono nɛ wɔra sa Yesu asonbo akpen sɛnsɛ mɔ ne i don ilaa ibono nɛ wɔra ne fɛ wu mɔ. Abɛɛ ibono nɛ ba fɛye asɛ ne meɲ kyule wɔra gɛsola sa fɛye mɔ, nɛ wɔra fɛye ilaa

nyenyenyen? To! Ne i gye ilaa nyenyenyen berε mɔ, n dε fεye giserε, fε' kyu kyεε me.

¹⁴ Idε kon nan baa laa fεye gisase. Nε baala ta. Ne idε kee maŋ wɔra gεsola sa fεye. In gye fεye-atɔ abεε agyudɔ ne n tiri me. Fεye gbaa-gbaa ne n tiri me. In gye nbii ne n kya sa mɔmɔ-akorogεbo ilaa tirisε. Akorogεbo ne n kya sa mɔmɔ-biana ilaa tirisε. ¹⁵ Gεnen kee ne i bo me ɔkon yεε n' lεε ilaa ibono n bo mɔ kyu sa fεye de n' kyu me-nyoro kee kyu sa fεye. Imɔso gεlaarε' gεbono n bo sa fεye mɔ gε kya nyaakyɔ gε kya too ɔfaanan mɔ, fεye-lεε gεlaarε' gεbono fε bo sa me mɔ gε laa kii kɔɔgε daa? ¹⁶ Fε laa kyule tɔgε gεsintin yεε meŋ wɔra gεsola sa fεye abεε fε laa tɔgε yεε n' nyi gisεε ne nε kyu npenε kyu kudi fεye gyi daa fεε? To. ¹⁷ Abεε fε wu yεε asa abono nε sun fεye aε mɔ dɔ ɔko gi kudi fεye kyu bara me nε gyi daa? ¹⁸ Me ne n kolε Taatusi yεε o' kpe fεye aε, ne nε sun aye-nanbo ɔko yεε o' buu mɔ kpe. Abεε fε nyi yεε Taatusi gi kudi fεye gyi? Me n nyi ibono me-rε mɔ-nwɔnsa de aye-anaabi a gyε gikolon.

¹⁹ Imɔso baa lii de ndε' fε kya nu aye-ilaa tɔgεsε mɔ, fε nyi yεε a kya tɔgε a kya yele aye-nyoro gεmara daa? Aye-nanboana laarεsε, in gye gεnen. A nyi ibono Wurubuaarε kya wu aye. Kyu naa de aye-rε Kirisito ginyamesε kolon mɔ so ne a kya tɔngε. Ilaa kamaasε ibono a tɔgε mɔ, a kya tɔgε daa de fε' nyε sεε Yesu ɔson mɔ dɔ too.

²⁰ I bo me gifuu yεε n' baa kii ba fεye aε mɔ, fε laa wɔra fεε asa abono ɔnan meŋ kya laarε mɔ, ne foŋbii fεye mɔ, fε laa wu me mɔ, nan wɔra isa ɔbono ɔnan fεŋ kya laarε mɔ. Foŋbii n' baa kii ba mɔ, ibiide i bo fεye dɔ, fε bo gεlaaloo, fε bo ginyadon foro-foro, fε kya laarε menkon me n' nyε, fε kya saale asa, fε kya nyida abara, fε kya nyiile fεye-nyoro, ne fεye-gεkyena dɔ ilaa i kpe i dε giyan-giyan. ²¹ I bo me gifuu yεε foŋbii, nan kii baa mɔ,

me-Wura WurubuaarE laa bara me gESE fEye-ansi dO de osulon. Foŋbii asa abono mE wOra ilaa nyenyEn ne mEŋ ti nu mOmO-nyoro gESE mO mE laa yEGE me n' su. Iko mO, mE wOra ilaayan, abEE mE laarE agyibara, mE wOra ilaa kankaran, ne mEŋ ti kyEEGE mOmO-nwOnsa.

13

MEn Taa YEGE MO, Nan Biide OmO-Giso Kon

¹ Me-gisase ne nan kii ba fEye ase faa. WurubuaarE agyebi mO ako a kya nyiile yEE i tiri yEE asa anyO abEE asa' nno gi' wOra gikolon nbEE dO pEi de a' loO bun oKo gipueE. ² Owi obono nE kpaa laa fEye ginyOse mO nE wolaa ka sa asa abono mE wOra ilaa nyenyEn de asense mO pEwu. Ibono mEŋ bo fEye ase faa mO, fE' yEGE mOmO-aso a' nu yEE nengyene nE kii ba ne mEŋ ti yEGE mO, nan biide OmO-giso kon. ³ In gyE gEnen ne fE kya laarE mO? In gyE fE kya laarE fE' wu bii yEE Kirisito ne n kya tOngE naa de me so? FE nyi yEE Kirisito mEŋ bo olon de o' taale wOra fEye ilaa kamaase ibono o kya laarE mO? O tansi o bo lon fEye so. ⁴ I bo no yEE kyu naa de Kirisito anyamesE gidebi gibono giŋ bo lon mO so ne o wu' lewu oyii mO so. WurubuaarE olon dO mO, o kii o tE de ansi. GENEN ne n gyE aye kee faa. Aŋ bo lon fEE Kirisito-leE mO. YEGE a kii a bo olon de a' taale fEye. I lii fEE WurubuaarE olon dO mO aye-rE Kirisito a tE dabole.

⁵ FE' kerE fEye-asen dO yEE fE san fE dE gisoo gyi gibono fE bo sa Yesu mO? FE mEŋ nyi yEE Yesu Kirisito tE fEye dO? AbEE fEye berE fE wOra awOrafue daa fEE? ⁶ NE sOO gyi yEE fE laa wu me bii yEE me berE, mEŋ wOra awOrafue.

⁷ N kya dalaa n kya kole WurubuaarE yEE oŋ sa o' yEGE fE' wOra ilaa nyenyEn. In gyE me-leE ayenbi so ne n' kya tOngE gEnen. N kya laarE daa yEE fE' wOra ilaa ibono i

boran sa Wurubuaare mɔ. Ba-a ne asa mɛ' taa nyida me yɛɛ n kya son Wurubuaare giyan mɔ, i boran sa me. ⁸ Me berɛ, maŋ taalɛ wɔra sɛi de i' tii Wurubuaare gɛsintin mɔ ɔkpa. N kya wɔra daa ilaa ibono i laa bugi ɔkpa sa Wurubuaare gɛsintin ilaa mɔ. ⁹ Nengyene fɛɛ fɛ bo lon fɛ yelɛ fɛye-ayaa so Yesu ɔson mɔ dɔ, ne nɛ wɔra fɛɛ meŋ baa n bo ɔlon fɛye so mɔ, i laa wɔra me ɔkon daa. Ilaa ibono n kya dalaa mɔ ne n gyɛ yɛɛ fɛ' sɛɛ Yesu ɔson mɔ dɔ kpaa logɛ.

¹⁰ Imɔso ne fɛ wu yɛɛ owi ɔbono meŋ bo fɛye aɛɛ mɔ, nɛ ŋmarasɛ fɛye ɔwolɛ baarɛ ɔnan mɔ. Meŋ kya laarɛ n' baa tu fɛye de n' kyu ɔlon ɔbono Wura Yesu gi sa me fɛye so mɔ kyu wɔra fɛye ipeeli. ɔ sa me ɔlon fɛye so daa de n' kpaa fɛye de fɛ' sɛɛ mɔ-ɔson mɔ dɔ. Iŋ gyɛ yɛɛ n' yɛɛ i' yɔɔ fɛye-nyoro daa.

Agyɛbi Laalaalogɛ

¹¹ Aye-nanboana Yesu ɔson mɔ dɔ, a laa sin gɛrɛ, a kya faala fɛye. Fɛ' yɛɛɛ Wurubuaare ɔ' lɔrɔ fɛye-gikyenabi kpaa logɛ. Fɛ' nu me-ɔwolɛ baarɛ ilaa gɛsɛ sa me. Fɛ' tɔɛ kyule abara, de fɛ' kyu gisen yuuli kyu kyena de abara. Fɛ wɔra gɛnen mɔ, fɛye-rɛ Wurubuaare ɔbono ɔ bo gɛsalaarɛ ne ɔ gyɛ gisen yuuli gɛmu mɔ fɛ laa kyena.

¹² Fɛ' kyu gɛnyi-abi afaala faala abara fɛɛ gɛnɔɔbono i kaaborɛ Yesu asonbo mɛ' faala abara mɔ. ¹³ Yesu asonbo abono mɛ bo aye aɛɛ mɔ pɛwu mɛ kya faala fɛye.

¹⁴ Aye-Wura Yesu Kirisito gitolon, Wurubuaare gɛsalaarɛ, de gɛnɔ kolon gɛbono Wurubuaare Oduduu mɔ kya sa asa mɔ i' kyena fɛye pɛwu dɔ.

ḠḠḠḠ ḠḠḠḠḠḠ, ḠḠḠḠḠ ḠḠḠḠḠḠḠ ḠḠ ḠḠḠḠ ḠḠḠḠḠ
AnyamesḠ ḠḠ ḠḠḠḠ ḠḠḠḠ

The New Testament in the Gikyode language

copyright © 2020 Wycliffe Bible Translators, Inc.

Language: Gikyode

Contributor: Wycliffe Bible Translators, Inc.

All rights reserved.

2020-11-17

PDF generated using Haiola and XeLaTeX on 14 Jun 2022 from source files dated 30 Nov 2021

4cc402b4-139a-5f33-9af9-fbf62307f663